

愛吾廬稿



瘦吾廬毫



天
卷
天
國
詩
抄

次園詩存敘

受吾友意詩集亦相既為之序矣
而於次園詩存不能已於言也則又
為書以報曰家相之履交於醉園
也在先同治庚午醉園由豫章應
高峴試來京師甲戌年隨外舅因

敘

覲北上亦相部舍得敘晨夕頻
有唱和於醉園之詩得見其全曩為
序言識其詳而後獲交於次園也較
後次園於先故亦奉侍親旋里始
以敘首年餘見所為詩而所見較
少為時亦較暫今敘其詩震無

以得共詳如然而飲江流之一勺即識
岷源得泰山之片石亦知岱岳之
未以全詩讀之而諫果之味每回
舌本干將之銳如在目前依回尋
譯注亦誦雖難見其才思猶力個
手起儔日春夏之氣入中晚唐之

敘

二

室允足與醉園之詩相伯仲而
樹一幟曰擅千秋也且夫溫柔敦
厚而不思詩教也次園靜深
文雅知平閑雅生年之疾言
毫才高屬試荐不售未見其
愷意者憤初於今吾不足之識

評遇事每矜張之辭氣至於隨侍
琴堂二十餘年襄理公私兼及文
牘紛如就析疑事於決自向生
之稍聞歷世之變畧識張弛矣
而粹際疑疑法相育庶幾立斷
所謂溫柔敦厚而不愚其次園洵

敘

三

足當之則知其人可以及其詩誦其詩
之益以得女人也爰白書之以為
敘皆光緒乙酉冬十二月小棠弟
周家楫拜敘呈書

百識

伯兄醉園幼喜吟詠長益工生平所作不下二千餘篇乃故鄉遭
赭寇之亂倉皇出走盡篋蕩然唐公以前之作大半不能記憶同
治辛未客靖安遭土寇難挈眷出奔較庚申尤亟所作散失益多
加以頻年刪削十僅存二三近以官閒無事手自裒輯約得八百
篇然亦可云鉅集矣予雅未工詩興之所至間亦效顰或友朋唱
和助興應酬輒隨手棄去壬午以前所存大都 伯兄所許可偶
爲手錄及附存稿中者癸未春 兄貽書相規謂吾弟天資敏妙
詩筆清華雖人工未臻極至而風格自高此皆我輩心血棄之可
惜後勿復然因舉前所代存者見寄遂并近作編次成帙以副
兄命倘異日重付梓人或亦附驥尾而名彰乎癸未秋仲蔣彬若
次園氏自識於奉新縣署之椿榮叢茂軒

愛吾廬稿

卷之一

次園詩存

一

次園詩存總目

第一卷

今體詩三十八首

第二卷

古今體詩四十五首

第三卷

古今體詩四十一首

第四卷

古今體詩三十八首

愛吾廬稿

卷之一

目錄

第五卷

古今體詩六十二首

次園詩存卷一

宜興蔣彬若次園氏著

城東

竭來無箇事散步出城東
近水草先綠向陽花更紅
鳩呼雲意懶魚躍浪聲空
日夕牛羊下輕煙遠樹籠

靜坐

鴨鑪香燼篆煙微
閒倚吟窗悟靜機
細雨乍晴花未落
一雙蝴蝶入簾飛

郊外

愛吾廬稿

卷之一 次園詩存

一

閒行出郊外徐步最從容
側岸臥垂柳孤岑蟠古松
溪深活柔艣寺遠聞疏鐘
領略野人趣何須問老農

昭君怨

環珮淒然別漢宮
隻身偏勝六軍雄
君王早定和戎計
卻爲紅顏戮畫工

入宮顏色最傾城
未沐君恩空復情
但得安邊塵不擾
妾身何惜出關行

馬嵬

辜負君王掩淚痕
此時無計返香魂
洗兒未幾離懷抱
鼙鼓來酬

阿母恩

蝴蝶十六首

物化無知具，夙因偶然栩栩出。風塵生來便入繁華境，飛去渾忘
夢幻身。狂態庸憐花薄命，癡情應願樹長春。紅酣綠醉流連慣，一
任名園浪迹頻。

助媚增妍賴衆芳，一生眠食倚東皇。煙花不醒黃梁夢，錦繡偏饒
綠野堂。北地胭脂鬪顏色，南朝金粉傅衣裳。恐渠豔福難消受，轉
眼浮雲過亦忘。

南園綠草是誰家，姹紫嫣紅任自誇。嗤爾香鬚空似戟，饒伊媚骨
愛吾廬稿。

卷之一 次園詩存

二

只貪花鬱棲，已化裙無迹。嫩藥經銜玉，有瑕多恐韶。光容易過，囑
渠努力愛春華。

嘉名肇錫號春駒，錦翅翩翩態自殊。釀蜜還輸金翼使，偷香合喚
玉腰奴。愛諧劉子綢繆共，夢醒莊周變化俱。鬼迹曾傳飛莫定，荔
支梢上影模糊。

舞影雙雙逗錦叢，曲欄西畔小亭東。化同蟬蛻還餐露，弱似蜻蜓
不任風粉盒。收來拋庾嶺，玉環幸後出唐宮。繡簾開處徘徊久，偷
覩長眉畫鏡中。

纔上南枝又北枝，雙飛何必辨雄雌。瞥驚窗下狸奴捕，旋被簾前

燕子欺抱葉相依同夢侶落花空想返魂期由來不醒癡迷魄到處纏綿肯暫離

爛漫春光畫不如綠窗小影度徐徐煙沈蕙徑尋芳候日暖花房曬粉初荀令更衣頰澆塵蓮香出院競隨車身輕飄蕩原無定也借東風著力噓

錦地花天處處逢迴廊曲院度重重舞同飛燕留仙態狂趁游蜂逐隊蹤縱使脩眉饒斌媚何曾浪迹肯從容依依似有憐香意無限芳菲興倍濃

花繞樓臺柳繞隄偶沾宿雨翅還低乍拋陵鳥來鳥足便逐障泥愛吾廬稿

卷之一

次園詩存

三

嗅馬蹏辛苦無心愁玉碎丁香有眼怕金迷韓憑此日魂全杳忍聽枝頭鳥亂唳

小劫曾經歷幾多一春好事肯蹉跎園中化後留殘蛻邨裏來時喚野蛾偶逐香風歸院落倏迷花影逗簾波芳叢到處深深見綠樹陰濃奈老何

金錢變化是前身記取當年面目真五彩乍經離木葉六宮競喜撲羅巾葛仙贖爾原無賴花賊瞋誰儼不倫綠暗紅稀君亦老好憑畫裏細傳神

春來澹蕩惜芳菲繡戶雕欄處處飛百合泥封幽魄豔十分香飽

粉腰肥偶驚舞袖疑窺扇瞥見拈花競繞衣藤峽丹青多少樹祗
今可奈影全稀

十二簾前繞玉鈎鶯捎燕掠怕句留狂蹤自詡同韓壽驚態渾疑
學魏收著雨還須愁慘澹戀花未必解溫柔韶華易盡春無迹粉
褪香銷不自由

小隱雲峰不計年翩然入世締塵緣繭蠶縱化羅浮洞橘蠹原非
脈望仙橋畔狂留飛絮地水邊閒上賣花船不知春去隨秋色留
戀寒枝倍可憐

尺蠖能伸世味諳東風落魄有誰堪抱殘香瓣棲難穩閱盡名花
愛吾廬稿

卷之一

欠園詩存

四

醉不酣紅雨亂飛憐瘦損青春易老枉嬌憨太常修到真堪幸力
倦身慵可再貪

綠慘紅愁著眼驚劇憐瘦影弄新晴自從花落同飄泊直待春來
再化生始信繁華都是夢須知物類也多情謝詩滕畫真千古兩
絕而今莫與京

追和伯兄湘江探梅卽次原韻

尋尋兼覓覓山曲與溪濱踏雪聯寒友臨風想美人別饒千種豔
高壓百花春卜築梅閒好何須更買鄰

又和倒疊原韻

我未幽探共清詞，募遠鄰自憐蟲語夏翻讓。鶴知春香孰調金鼎，
花應折玉人故園。曾手植，還憶畫溪濱。

題袁雲石

康

滄海歸舟圖

早思乘一葉歸泛海之東，析木瀾翻紫扶桑。旭射紅何期臨去日，
長似引迴風不盡瞻雲意。鄉心歲歲同

身未經滄海圖先屬畫工，乘風謝宗慤縮地勝壺公。一粟蒼茫裏，
三山縹緲中。波濤涵尺幅，開卷影濛濛。

終擬乘槎去，飄然到日邊。金銀蓬島闕，書畫米家船。身邁長庚李，
蹤追太乙蓮。海天遼闊處，應得遇成連。

愛吾廬稿

卷之一

次園詩存

五

留滯仍今轍，徵題徧故知。滄桑驚幻劫，海若問歸期。似我非同調，
多君亦索詩。吟成愁指測，珍重報袁絲。

懷里門殉難親舊絕句同伯兄作

兄集中有序及小傳

受業太外舅路封巖明經

西河抱戚暮年時，猶幸蘭孫挺秀枝。
內弟慶莊弱冠工文豈料紅羊興大劫

一家殤國慘無遺

業師儲啟齋學博

倉卒傳呼子弟兵，邱山節重命偏輕。拌教罵斷常山舌，不肯鬚眉
愧此生。

受業從父雨蒼增廣

性情渾厚品端方天道難知亦死亡合室都填滄海劫竟無遺嗣
繼書香

受業世長徐德輿明經

猶憶垂髫請業時文成喜色動雙眉

若初學操觚
亟蒙許可

祇今回首師門

杳空賦招魂宋玉辭

總懷各親舊

悵望鄉關淚眼枯親朋慘死半模糊欲憑不律伸哀憤吟到傷心
一字無

愛吾廬稿

卷之一

次園詩存

六

題畫墨牡丹

壓倒羣芳四座傾卻疑元圃降雲英花王貴胄支繁衍又見分封
卽墨城

恭代 家大人次和吳筠軒觀察滕王閣落成登眺原韻

帝子云遙舊蹟空劫餘高閣起玲瓏山光帶雨雲飛白樹色經霜
日射紅題詠流傳才子筆登臨慨想大王風千秋不盡滄桑感都
付漁舟晚唱中

極浦遙山一望收仙人舊館鎮南州紅羊劫後新成市黃鶴江邊
別有樓峽蜨依稀空復夢雁鴻來往幾經秋廿年長作章門客憑

眺無端悵宦遊

傑閣重臨亦壯哉層巒遠聳勢崔嵬
劍光掣電成龍去帆影連雲逐雁來
太白豪情重把酒少陵秋興獨登臺
憑欄祇覺西風起兩鬢蕭蕭白髮催

秋色連波混太清風光難定是陰晴
鎮蛟空賸千年柱跨鶴曾聞五夜笙
煙雨低飛孤鷺重水雲閒泛野鷗輕
重聯勝友開文讌都督憐才倍有情

愛吾廬稿

卷之一
次園詩存

七

次園詩存卷一

宜興蔣彬若次園氏著

讀史

生平奇計邁同儔佐帝功高曲逆侯不道燕居深念日偏勞陸賈
策安劉

商山四皓鬚眉古垂老猶應善致君可惜但言羞嫚罵定儲以後
竟無聞

鬼神杳渺理難明前席殷殷問賈生方士但知投所好當年枉殺
新垣平

愛吾廬稿

卷之二 次園詩存

一

高祖託痾暱內侍孝文五帝祀躬親宦官方士代流禍家法詒謀
是兩君

采蓮曲

凌晨采蓮去風露霑衣裳卻悔蕩舟急驚起雙鴛鴦
清清銀塘水濯濯紅蓮姿將花比妾貌郎心應自知
采蓮趁芳辰映日正嬌好莫待秋風起紅顏共衰老
蓮子雖苦心蓮花郎采取惱郎久拋儂儂比蓮心苦
采蓮復采蓮采向花深處折得並頭枝脈脈自相覷

送友人南旋

江上停橈送客時
輕煙漠漠雨如絲
東風不管人離別
吹得青痕上柳枝

極目煙波望遠征
依依無奈送君行
此心已覺隨流水
同到江南第幾程

春日游豫章東湖

挈伴尋芳載酒時
蘇翁亭畔柳如絲
笛聲響處行雲住
驚起銜魚白鷺鷥

湖上春波似酒濃
踏青時節趁游蹤
一天吹雨東風惡
半醉歸來唱惱儂

愛吾廬稿

卷之二

次園詩存

二

偕友人宿玉笥山陳希夷先生祠祈夢不應詩以自嘲

同向雲房宿仙人
睡正濃疏鐘鯨有賴
高枕蜨無蹤
遊戲園中菜
荒唐腹上松
何如逢九烈及第兆芙蓉

別意

下階拜新月
涼露霑衣裳
脈脈悄無語
風吹裙帶颺
憶昔誓分手
屈指還相將
如何耶就道
轉徙靡定鄉
去家日以遠
各在天一方
烹鯉無尺書
淚眼空相望
不怨別離久
但恨相思長
試看天上月
夜夜生清光

游金陵妙相庵

結伴尋幽勝行行下駿鞍佛靈成妙相樹古得奇觀庵有古樹蟠屈優蹇如臥
虹游展門將禁皇華節暫安時陳設爲典試者行臺願開法眼藏借與使君

看

莫愁湖

湖光一片繞高樓小像臨軒狀莫愁萬頃蓮花常供養不須俎豆

有千秋

幾度滄桑歷劫塵畫圖猶自肖真真龍蟠虎踞皆陳蹟千古名湖

屬美人

北湖觀荷卽元武湖

愛吾廬稿

卷之二 次圖詩存

三

紅裳翠蓋映重重十里花香曉露濃願乞明湖同賀監一生管領

水芙蓉

試前游雨花臺從兄養田爲述從軍被圍事

不盡滄桑感臺空勝境留人間攀桂日天上散花秋石爍媧皇鍊

泉甘佛地流臺產五色石子又有甘泉鑿院各官製調水符以取飲烽煙前度惡舊話記從

頭

桃葉渡

來尋桃葉渡不見渡江人流水杳然去秦淮空復春

偕伯兄江上持螯夜飲

月滿篷窗霜滿天
數星漁火泝江邊
傾筐快慰持螯願
付與明朝買酒錢

江上西風折葦枝
新霜天氣蟹肥時
騷人韻事今難再
誰把尖團換一詩

客裏蓴鱸動遠思
霜螯正滿酒盈卮
何時歸向東籬下
醉把黃花插鬢絲

雙螯擘破點橙薑
酒力雖微恣意嘗
始信浮家有真樂
九秋風味足江鄉

德安道中

愛吾廬稿

卷之二

次園詩存

四

戰罷名場返征途
快著鞭蟲吟秋老
日雁語晚晴天
客路驚紅葉漁炊起
白煙前邨何處宿
暮色正蒼然

建昌道中遇雨急投小邨舍止宿孤燈短榻與伯兄坐以待

旦

纔犯塵沙僕僕行
驟驚風雨送歸程
說詩那得聯牀話
坐聽雞鳴三兩聲

早行峽江道中

癸酉借伯兄試旋吉水舟行至峽觸石沈沒急登陸賃輿

侵曉卽發

祇恐征程遠披星出郭門白雲低野渡黃葉滿前邨殘夢行纔醒
名心倦尙存趨庭今日近歸去話清樽

偕友人訪珠泉

泉在袁州府城外方塘半畝水深尺餘水底圓沫上噴如
珠因以得名塘前有溝涓涓流出終歲不盈亦不涸溝外
小池二箇蒼雲連過池數武水流入田周圍數里賴以灌
漑汲泉烹茗味極甘芳

步履偕同侶行行訪古泉玉流塘外折珠噴水中圓千畝滋香稻
雙池開野蓮呼童挈瓶煮瀹茗愛澄鮮

愛吾廬稿

卷之二 次園詩存

五

登南豐軍峰山

絕頂峯堯上山靈妙化工人疑來樹杪峰欲插天空磴仄崖將墮
雲迷路忽窮濺衣泉不涇祇覺影濛濛

已卯閏後返棹南豐秋杪尙無好音知已報罷書此寄慨

歸來看盡菊花黃消息而今尙渺茫畢竟文章難奪命那堪傀儡

亦登場

聞同考官有不能校閱而所延襄校士又不通者

搏鵬有路何曾到磨蝎臨宮祇

自傷本視浮名如蟣蝨卻慙無以慰高堂

搔首青天欲問余功名誰道竟成虛早知此事須由命從悔今生

誤讀書失意幾曾逢鮑叔

偶占牙牌數有且喜分金逢鮑叔語

得時空復羨相如蕭

蕭白髮添雙鬢老大徒傷等棄擲

此生端的誤浮名得失從來少定評共說試文能命中誰知決勝
不關兵升沈豈盡由人事成敗何堪論世情卻悔頻年空逐隊消
磨壯志恨難平

杯酒難澆壘塊胷肢憐時世若爲答詞非白雪知音少運比黃楊
厄閨逢馮婦幾曾爲善士許行祇合學神農莫教因此頽唐甚奇
氣由來本似龍

續成二首

寂寞黃花載酒逢漫言桂子露華濃何期雲路高千仞竟似蓬山

愛吾廬稿

卷之二 次園詩存

六

隔萬重嗟我奮飛成退鷁

鷁羽秋風已六次矣

笑他妖夢說登龍

同人夢予得元記

當早歲輕青紫不道于今願未從

身世於人百不如茫茫天地渺愁余縱教前路青雲近已覺華年
白日虛李廣難封徒善射蘇秦未遇枉陳書那堪回首頻鏖戰辛
苦二條燭燼餘

苦熱行

火雲莽莽燒落日來朝日出威愈烈日色照地地欲焦風雨驟過
益炎熱灼鑠肺肝心若焚飲如長鯨不解渴眼低菩薩眉夜眠難
貼席腹苦臣朔飢飯來不啻食蠅嘅人膚蚊吸血揮塵逐之汗更

出或患寒瘧瘧鬼纏或患熱腫腫如栗相逢同病恆相憐又似河
魚成腹疾困苦顛連滿眼前不見青天起霹靂有生之樂幾不知
母乃造物窮其術尙有農丈人芸田不得息腳插水田膚欲裂不
說田中似沸湯猶道新禾愛日色平心與之相較量吾輩安居室
與堂手倦拋書澄萬慮北窗高臥真羲皇世間萬事靜則吉便覺
世界生清涼況復有時酷吏去一年容易又秋光

次和周小棠大京兆入都留別元韻

小棠妹倩於辛巳九秋服闋北上適余奉 母之江右連
檣並發至京口分手因次留別同人四律韻以贈行

愛吾廬稿

卷之二 次園詩存

七

疏達承明附駿鞍敢依邱隴薄高官存心報 國中非熱著手成
春膽不寒洛蜀交游汎同異范韓聲望濟艱難祇今道路追隨者
幾輩思彈貢禹冠

爲感滄桑故里墟經營百廢兩年餘明倫士喜登膠序講學人思
到石渠善必歸親殷繼志力惟贍族乏私儲鄉關不少攀留意怕
說朝 天振珮琚

中朝頻悵老成凋

年來文文忠沈
文定相繼歎逝

攬轡澄清志不淆郎署前程龍

破壁 畿疆舊部燕安巢文章品概符麟鳳忠孝家風靖虎蛟共

說汪洋千頃度固應全吉叶謙爻

計日星馳達 帝闈正余將母到章門叨陪鯉對承歡笑知接
龍光仰霽温伏 闕上書時局繫立朝風度曲江存漫言報 國
心彌痛揚顯原酬顧復恩

題周敬之女士血書圖

江干泣竹淚成斑山頭望夫人化石精忱所聚積不磨古來女子
多奇節吾鄉德門氏系周一家忠孝節烈優諸姑讀書知大義四
姑早結鸞凰儔夫子崔君飽學儒青年發憤登賢書爭名於朝丈
夫志雙雙同作長安居姑有長兄名望郎板輿奉母歡相將同居
得敘天倫樂倡隨洩洩依護堂郎君本是青雲士貫通性理窮經

愛吾廬稿

卷之二

次國詩存

八

史天上俄成白玉樓倏焉赴召長已矣地坼天崩痛慘呼幾回慟
絕卻復蘇家中念有阿姑在從此朝朝空倚闥抽刀割臂血注盤
霜毫飽射燈光寒習習細書夜已闌密密織寄摧心肝阿姑得書
淚闌干痛子惜婦心悲酸膝前子婦多承歡相爲慰藉強自寬阿
姑見婦心彌苦書教且伴慈親住伴親曲意體親心親心不復勞
家務荏苒光陰倏數年慈親乍返瑤池軒半載形神日凋喪嗒然
羽化同登仙迄今血染殘箋碎幸得阿姑身健在阿兄京北泣蒿
廬傷親更復悲亡妹爲倩良工繪作圖血書大半形模糊畫圖克
肖傷心像展卷人人共歎吁我慙韻語本不工但知紀實言由衷

覆李誼忝見聞確已看綽楔膺 褒封詠題卻待鉅公手糠粃在
前玉在後嗚呼此圖允不朽堪與江干之竹山頭之石同長久

題畫三絕

楊柳千條罨夕暉行人江上思依依不牽別緒離亭畔闌共漁翁
傍釣磯

雙帆飛渡水之涯隱隱青山轉眼移試問舟中名利客何如安穩
在家時

信是漁家水作田卻欣魚夢兆豐年晚來且對青山飲不問江頭
過客船

愛吾廬稿

卷之二 次園詩存

九

次園詩存卷三

宜興蔣彬若次園氏著

自奉新赴試金陵夜宿德安道中

觸暑遙征候名心未老時風塵偏耐苦粗糲亦充飢旅店雞聲早
孤燈蜩夢遶離家家日遠祇有月相隨

次和惜玉聯吟草韻並倒疊原韻各二首

玉蘭何氏小字香史成都人父以名進士官江左遭粵寇
亂夫婦俱歿玉依於外戚被給至滬鬻於奉新俞某爲婢
玉生時其母夢一女子青衣娟秀姍姍而來逼視之遽沒

愛吾廬稿

卷之三 次園詩存

一

見黃楊樹下遺玉簪一枝上綴香草拾視諦玩失手墮地
遂寤而生玉幼卽慧美善吟詠俞得之喜甚將俟稍長納
焉歸數年頗得主婦歡後婦知俞意常事防閑會有間俞
欲強亂之玉不可曰妾心井水波瀾不起縱憐我以情當
成之以禮幸勿相強也正爭拒間爲小婢所窺白諸婦驟
逼辱之玉無以自明作絕命詞仰藥死年纔十七所遺僅
踏春詞十絕及紅豆詞絕命詞而已一時詞人惜之爲作
小傳以詩弔其墓和者甚衆題曰惜玉聯吟草付之剞劂
余隨侍至奉新友人以一編見贈因就小傳撮其大概爲

題詞一闕復疊和其詩云

蘭摧玉折總成埃枉是題詩掃綠苔紅豆苦吟何滿子碧蘿空望
祝英臺鵲迷蜀道還家夢蝶化荒邱上塚灰何事狂蜂太輕薄此
心早似歲寒梅

水阻藍橋咽不流盈盈牛女枉疑眸情牽簫史難攜手達任蒙莊
亦歎體畢竟聰明將爾誤多應憔悴爲郎羞從今莫墮紅塵劫往
事回頭已早休

幻作曇花轉眼休貪瞋癡愛總含羞詎奴口毀留長舌倩女魂銷
賸髑髏恨海波深憐失足情天月缺枉回眸祇今空弔埋香塚山

愛吾廬稿

卷之三 次園詩存

二

自青青水自流

芳魂莫問柳和梅賸粉零脂化劫灰未許尹邢同寵席枉教劉阮
到天台玉簪空夢縈香草寶鈿長遺慘碧苔幸有春詞珍片羽未
應才色付塵埃

再疊前韻

深埋玉骨覆輕埃小碣年年長蘚苔醋海波瀾淹古井洞天姓氏

列仙台

八仙中有何仙姑
玉豈其苗裔耶

小青淚寫生前照樊素香銷夢裏灰怪

道當年林處士孤山祇伴雪中梅

美景良辰逝水流奈何天裏淚盈眸情絲枉繫狂郎足慧劍應揮

妒婦體畢竟金多人薄倖幾曾玉玷妾嬌羞一杯酒醉青青塚憑
弔詩人詠不休

定情往事已全休料得郎心也自羞異地親魂同淚眼秋墳鬼唱
歎空體縱教碧玉留遺恨已了紅塵醒慧眸倘戀迷途甘忍辱未
應韻語爲傳流

一片冰心潔似梅不教冷豔惹飛灰合歡花豈開長夜小謫星應
返上台紅豆新詞留燼草黃楊舊院閉荒苔清溪九派環香塚濯
得芳魂不染埃

三疊前韻

愛吾廬稿

卷之三 次園詩存

三

紅顏命薄等纖埃今古同岑豈異苔竊藥姮娥翻月窟司香侍女
謫星台眉梢恨蹙難成語心字香燒身燼灰自昔入門都見嫉唐
宮楊柳妒江梅

護花無計漫風流揉碎花枝枉淚眸海燕難尋梁上侶彩鸞空想
鏡中體秋風團扇郎心苦妒雨深閨婦德羞珍重百年同夢者莫
教歲月等閒休

惜玉詞人感未休聯吟應勝薦清羞素心酸透空花恨碧血啼殘
故鬼體避亂謀深堪切齒定情篇豔錯疑眸曾聞韻事題紅葉不
道紅箋禍水流

主婦初尙憐愛因見前定情
篇紅箋燦然始妒而嚴防之

爭春一任雪和梅早把心情付冷灰相見還休如夢境重逢難必
向天台姻緣未結生前果泡幻空餘水上苔似此能全清白質馬
鬼死直等輕埃

題陳寅谷 任賜 遣硯圖

米顛拜石呼石丈有時亦或呼以兄惟其愛石成石癖見石便若
歡平生陳君寅谷無是癖古硯亦系石兄名試問此硯胡寶貴風
雨泣兮鬼神驚陳君先人善章奏揮毫落紙雲煙透品端行方學
淹通體質疑重丰神秀擁篲爭迎盡鉅公水淥卻泛蓮花紅折衝
樽俎直談笑霖雨蒼生幕府功此硯追隨几席閒晨昏相伴非等

愛吾廬稿

卷之三 次園詩存

四

闕千言萬言疏草就承明一入開 天顏無端狂寇突封豕江南
都會成墟里硯與先生歸故廬故廬烽火長已矣廬中百物盡成
灰已拌石爛埋蒿萊何意劫餘經廿載硯田忽自田間來吾族梅
兄緊舊婚偶過農舍款柴門卻看古硯埋冀壤泥塗不掩完璞痕
攜向燈前親滌拂知是陳君先世物情深中表聯石交還硯無須
待君乞硯兮硯兮沈埋二十年不知何時出草田牧童敲火火不
燃豬奴礪刃刃不銛苔蘚剝蝕蝸篆涎不磨不涅不日堅神物呵
護克自全物還故主由乎天陳君得硯喜且悲箕裘弓冶當鑒茲
盛以錦匣繫以辭繪圖且復徵題詩硯陰字迹先人遺得硯日月

詳書之屈指當年得硯時卻長陳君一歲期終鮮兄弟壻與篋呼
之以兄理亦宜嗚呼呼之以兄理亦宜不同米顛拜石顛且癡

題友人泛舟小影

美人美人仙乎蹤酒卮中映花枝紅一湖煙水浩無際但覺涼意
侵疏篷酒杯在手白月墮先生一笑乘長風

戲題沈君小影

君工書畫兼精篆
刻自號三臂公

昔有瘦腰郎今有三臂公瘦腰輕柔善媚不足數三臂書畫鐵筆
兼精通三臂公醜顏紅雙瞳翦水雙頤豐團扇依稀畫放翁寫生
惟肖良工工公平掉臂其猶龍

愛吾廬稿

卷之三 次園詩存

五

和張玉珊大令

鳴珂 春柳四律同次漁洋山人秋柳韻

東風吹起乍眠魂綠徧天涯到玉門饒有春情留眼角劇憐時樣
鬪眉痕水雲隄上初成蔭煙雨江南舊有邨好趁韶光誇得意章
臺往事更重論

客路風塵鬢易霜行人不斷向橫塘天涯芳草停珠勒陌上飛花
點翠箱金縷任翻新樂府玉關休怨左賢王陽春二月晴光好走
馬頻過碎錦坊

漢苑當年試舞衣靈和回首是耶非斜陽古渡波痕活朝雨輕塵
帽影稀灞岸千條征騎拂江南幾樹亂鶯飛陌頭春色樓頭望夫

婿封侯願豈違

細腰輕折可人憐
亭短亭長澹澹煙
三月繁華增旖旎
六朝微雨引纏綿
紅樓脈脈當春日
碧玉依依正妙年
飛絮莫隨流水去
好憑風送五雲邊

再次前韻

東風著力盪春魂
颺得柔條舞白門
青眼逗人離別意
黛眉憐汝淺深痕
連番細雨縈官渡
一抹輕煙望遠邨
多少行行驄馬過
纏緜情緒向誰論

破曉春寒月似霜
蘸波拖黛向迴塘
絲牽楚楚難分袂
衣染輕輕愛吾廬稿

卷之三

次園詩存

六

不上箱錦纜長隄
隋煬帝青衫旅店
馬賓王記曾畫壁
旗亭畔絕勝當筵唱教坊

舞翻垂手窅宮衣
作態終嫌放誕非
殘月曉風歌宛轉
迴廊曲榭夢依稀
春深別苑鸚哥喚
翠滿重門燕子飛
我亦長楊曾獻賦
如何心事竟相違

如此青青最可憐
萬條搖破禁鐘煙
每牽別緒成留戀
故作情絲漾渺緜
漢苑東風寒食節
蘇臺西子妙齡年
自從離卻靈和殿
不在山邊在水邊

三次前韻

銷盡年年送客魂
綠陰又見繞閨門
浦裙水上春無迹
飛絮橋邊夢有痕
幾處樓臺新畫本
六朝煙雨舊江邨
那堪人去天涯遠
重把離愁子細論

柔條幾樹舊經霜
弄影依依水滿塘
畫舫低偎青壓榜
縷衣新疊翠盈箱
祥占蓉鏡春遊李
妙寫蘭亭酒醉王
記取白門風景好
閒尋舊日大功坊

和煙和雨染征衣
似笑風塵浪迹非
灞岸鞭絲迎澹宕
漢宮人影認依稀
黛凝鏡匣螺輕點
絮撲簾櫳蝶亂飛
春滿江南歸去好
願言相賞莫相違

愛吾廬稿

卷之三 次園詩存

七

舞罷長楊瘦影憐
朝含輕雨夕含煙
青驄杜曲晴光媚
玉笛陽關別恨懸
紫塞健兒驚遠戍
翠樓少婦惜芳年
飛花亦有凌霄志
可許因風到日邊

四次前韻

疑晴疑雨倦吟魂
無意尋芳靜掩門
客舍輕煙生霽色
畫橋流水瀉春痕
嘯鶯路曲藏深鳴
釣鰵人歸度遠邨
回首江南誰惜別
年來情緒不堪論

單袷臨風白練霜
六橋煙樹護芳塘
翠雲樓近偎珠箔
金縷衣新啟玉箱
長樂疏鐘迎漢帝
未央前殿感唐王
有時化作漫天絮

樣纏絲錦繡坊

曾說當年汁染衣芙蓉及第想非非如何遲我藍袍換未必逢人

青眼稀容秋闈藝主司評語甚佳卒不果售葉密乍藏鶯百轉陰深永斷燕雙飛秋去

又有騎省之倬翠樓已杳凝妝望任爾封侯願竟違

憶從嬌小兩相憐不待春殘化紫煙恨汝未同花爛漫舍卿誰與

我纏絲傷心人別有懷抱幾乎忘卻本題矣那堪慘碧傷今日便到紆青愧盛年故

里堂深書可讀不如歸隱畫溪邊連綿春雨獨坐客窗悶損無聊聞吟遣興無端感觸愴惻吟懷

至此不
禁搗筆

夢中得句

愛吾廬稿

卷之三 次園詩存

八

嗁偏江南樹樹鶯舞彩歌扇不勝情六朝舊夢隨流水賸有秦淮

空月明

題梅花芝蘭畫冊

蘭為王者香芝為盛世瑞空谷無人知相與歲寒耐梅花性高潔

古心兼逸致相契在山時未問和羹事調鼎會有期明時不終棄

續成春柳四律仍次前韻

一番煙雨冷詩魂萬縷千條翠繞門輕燕乍拋新翦影亂鴉已隱

舊巢痕青迷陌上停車路綠徧江南傍水邨漏洩春光舒倦眼黛

眉深淺任評論

年年作客鬢成霜
春水依然漫野塘
翠陌絲牽游子騎
綠窗綫壓女兒箱
畫成眉黛憐張敞
細腰肢愛楚王
走馬章臺披拂處
風光何似碧雞坊

勸酒頻歌金縷衣
閒翻舊曲譜全非
翠眉憐汝因誰損
青眼迎人似爾稀
羌笛尙含關塞怨
征衫空惹麴塵飛
花開莫惜分離苦
化作萍蓬願不違

顧影低徊祇自憐
因風搖曳夕陽煙
樓頭夫婿傷離別
江上關河悵渺緜
漢苑花飛曾幾度
灞橋客去又經年
吹噓應被東皇寵
好與移根太液邊

愛吾廬稿

卷之三 次園詩存

九

題山水畫冊

繪山難繪骨 繪水難繪聲
山水有真趣 妙筆工寫生
雲林與海岳 善畫能通神
古來多妙手 著紙雲煙新
我本喜卧遊 開卷愜生平
千洲與三島 耳熟山水名
勝境隨地有 道遠艱游行
足跡限窮厯 目想神已傾
太白夢天姥 詩成竒氣橫
劉阮入天台 仙眷同怡情
遊興素所蓄 有志事竟成
但須自努力 會看登蓬瀛

又題山水畫冊

畫法亦與書法同 讀書萬卷神始通
臨池十載得筆妙 意匠慘澹經營中
成畫中 山水更不易 泉石位置須玲瓏
曾無成竹肆塗抹

墨鴉亂點噴橫縱妙手之妙不在手十洲三島羅心骨尺幅萬里
神與會下筆氣象全牢籠我不善書不善畫此中妙蘊殊難窮開
卷但覺心目爽塵氛俗慮一洗空懸崖峭壁勢奇絕四圍煙樹雲
連峰中有仙家隔人境桑麻雞犬無塵容我欲問津涉其境洞口
隔斷紅塵紅噫嘻乎吾既不克追蹤登瀛十八士吾終繼幽鑿險
閒尋餐芝之叟采藥翁

題江邨秋晚圖

尺幅涵寥闊蒼然接杳冥境開盤谷勢圖繪朝川形徑闢連隄直
邨藏得地靈林容低潑墨石骨瘦撐青雲截山腰斷風迴水面渟

愛吾廬稿

卷之三

次圖詩存

十

晚煙南北舍斜日短長亭雁字天空寫蟬聲木末聽鄰招三逸友
樹障四圍屏竹籟含深鳴莎痕潤遠汀煙霞供嘯傲邱壑隱瓏玲
沙淨平無迹峰遙淡欲暝商飆涼意逗人影夕陽停指點頻延伫
心期孰醉醒放懷凌太華入畫想西泠門絕軒車擾身疑笠屐經
結廬吾亦愛卜築傍巖扃

次園詩存卷四

宜興蔣彬若次園氏著

綠牡丹前八章

洛陽春色翠籠煙疑種芭蕉別有天
衛國裏衣爭愛寵漢宮廣袖
鬪鮮妍欄圍金碧輝煌地綬繫銀青
富貴仙不用胭脂描畫本螺
痕五斛潑蠻箋

奏達通明有露章詔銜么鳳賜花王
東皇布下青旂令西子描成
紺髮妝碧月圓時涵色相翠雲深
處想衣裳姚黃魏紫徒爭豔橫
黛迎人壓眾芳

愛吾廬稿

卷之四

次園詩存

一

春滿芳叢擁翠霞傾城無復御鉛華
堂開野外誇裴相珠擁樓頭
豔石家不讓苔痕侵展印欲爭蕉
色上窗紗便從香國眠琴穩何
必陰濃樹底誇

春風競唱柘枝歌何似名花黛掃蛾
國色快從凝碧賞天香應是
蔚藍多玉樓人醉新醅蟻金屋嬌
藏淺暈螺葉葉扶持同娥媚寄
情誰與託春波

一庭空翠逼蘭襟紫韻紅腔莫浪吟
金帶圍新紗作障玉樓春滿
葉成陰池翻素景花光暈簾混青
痕草色侵隔院垂楊偏嬾娜兩
家春好共相尋

吹面東風散纈紋成句翠衣不藉麝蘭薰妒將霧縠凌波鞵好襯素
衫罨畫裙芍后贈貽青玉案花王封拜碧霞君漢宮香滿臨芳殿
柳染袍痕惹御熏

誰思并刀翦翠紈安排春色滿雕欄蕪院落終朝采楊柳樓臺
一色看青帝寶書么鳳下綠天屯字碧螭蟠朝來貪向東風賞鸚
鵡衣單怯嫩寒

青蓮才調賦清平碧酒朝酣帶宿醒仙界萼華同豔骨春波桃葉
共深情翠華步輦臨香國青鳥傳書下玉京何似甘棠濃蔭徧雨
餘野外有人耕

愛吾廬稿

卷之四 大園詩存

二

綠牡丹後八章

春光庭院正芊絲疑是朝來柳帶煙香國富誇青步障藥宮妝鬪
翠花鈿名園依水淩波豔芳樹成陰比葉妍消盡紅情偏著意此
身合住碧雲天

新詩妙品恰猶春亭倚沈香見太眞時樣眉痕描黛色華年鬢影
鬪芳辰也應係脫仙留贈遮莫窗虛女守貧名噪洛陽誰得似錯
疑碧玉是前身

遮住雕欄百寶裝陰濃餘潤染衣裳色分太液池邊柳豔奪羅敷
陌上桑翠鳳身輕翔竹院青鸞信好遮花房記曾亭外茵鋪草猶

有池塘睡鴨藏

曉來窗外黛痕拖，簾捲新筠漾淺波。青瑣才人摘藻富，碧霄神女散花多。平添香海三篙翠，乍潑芳園五斛螺。如此風光應共惜，蒼苔流潤雨初過。

花下吟成浣綵毫，碧紗窗外雨如膏。庭前隨意方生草，天上同春正種桃。洛浦仙裳摹薛荔，漢宮香酒進葡萄。芳名應許留青史，富貴曾誇一世豪。

第一仙人下九閭，雲英蘸黛種靈根。芳拳杜若妃，青色翠戲蘭荂。鬪碧痕吹水，東風曾濯魄。送波南浦最銷魂，園中草長飛蝴蝶。共

愛吾廬稿

卷之四 次園詩存

三

賞新醅把酒罇

批紅判白漫紛然，百寶欄前潑翠鮮。碧月清高留妙相，青雲富貴正華年。仙姿綽約迷蕉外，香夢依稀在柳邊。絕似佳人鬪眉嫵，春山含笑倍增妍。

榻來人唱踏莎行，到眼何須夏雨生。香襲蕉衫頻入座，妝窺菱鏡最傾城。青詞競祝羣芳圃，粉本誰描細柳營。稽首東皇應被寵，碧霞杯晉酒微醒。

黑牡丹前八章

洛陽花換舊胚胎，臉褪霞丹次第開。仙子乍從元圃降，美人初出

墨池來濃熏龍劑鴉鬢彈新製烏衣燕翦裁倘令清平詞醉草雲
陰應欲把詩催

羣芳低首盡衙官養晦非關骨相寒京洛馳名誰眼白崑崙入選
豈顏丹繁華始信談元妙富貴須知守黑難漫把胭脂描入畫墨
痕帶露未曾乾

休誇魏紫與姚黃俗豔瞋他富貴場點漆眼中涵色相片雲頭上
想衣裳神仙幾歷罡風劫翰墨長留闕苑香不是元規塵被污相
公會記舊呼王

芳叢一色燕低飛葉葉扶持綠正肥魏后新妝誇霧縠漢宮春色
愛吾廬稿

卷之四

次園詩存

四

盡烏衣麝煙籠月生香豔鴉髻盤雲入世稀閒倚熏籠同玩賞烏
紗相對帶成圍

沈香亭北進新詞黑黑琵琶正入時芍后承恩疑近墨花王染翰
想臨池漆膚豔奪鍾離寵鬢髮閒吟衛女詩引得貂裘年少客尋
芳逐隊騁烏騅

早蓋森森擁洛城連朝烏鵲噪新晴羣芳下拜來元圃淡墨書名
重玉京富貴頭銜誇黑相繁華夢境屬盧生我慙未遇裘先敝何
日蘇秦面目更

雅欲緇衣舊好尋花叢漠漠曉煙侵藥官帝寵元圭錫蓬島仙才

墨綬臨坦白何如終默守闌紅無奈早灰心玉樓人去塵封鏡
悵瑤臺月有陰

鍊得元精寶相莊早羅袍袖隱天香麝煤熏處看成畫蝶夢甜時
老此鄉木筆凌雲書淡墨彙珠和露擣元霜倘教獻上通明殿應
有烏雲捧玉皇

黑牡丹後八章

嫣紅姹紫任爭妍洗盡鉛華色黯然花彙馳名烏弋國霓裳高會
鵲橋仙閣看墨戲羣芳圃妙解元機上乘禪題詠未須誇白戰揮
毫落紙散雲煙

愛吾廬稿

卷之四 次園詩存

五

欣賞奇葩酒不停盧家少婦最伶俜雲情黯淡巫山峽月魄荒唐
杜女亭香國當王承水德花宮司令屬元冥願教獻賦臨芳殿墨
藻翔華揆帝廷

西河濯魄水光浮色相離竒駭俗流破陣繼倫曾識面臨池張旭
想濡頭芳名誤喚談元客花史新修卽墨侯煙滿御爐天未曉漢
宮春夢好尋幽

高髻雲鬢最入時曉妝不用買胭脂吟成豔體烏絲寫伴得芳容
燕侶宜香海瀾翻鴉背色畫圖墨潑虎頭癡東皇批諾頰花誥松
使來臨雨露滋

靉靄濃雲隱畫屏重重簾幙四香亭何期富貴偏形穢難得糊塗
尙德馨草聖全翻飛白體花神競進太元經朦朧睡起茶煙裊霧
裏看時酒未醒

別有丰姿迥入神墨豬體態笑橫陳緇帷掩映圍羅幙烏帽端嚴
覆葛巾香霧輕籠疑豹隱花風頻遞倩龍賓何當西子蒙塵垢遮
莫無鹽也效顰

阿誰重點石家螺漢苑煙濃聽曉珂幡護風姨春寂寞屏遮雲母
影婆娑樓難似玉連雲起帶縱如金惜墨多畢竟著花無醜色漫
疑邨女暈微渦

愛吾廬稿

卷之四

次園詩存

六

種得雲英悟涅般鉛經百鍊不成丹墨皇花判濃恩逮元女衣裝
本色看藥榜新書方爛漫漆圍香夢正團圓眼前凡卉皆黎庶壓
倒羣英屈宋官

恭代 家大人答劉仲湘廣文留別之作

秀絕岐峰峙名區共唱酬君才優振鐸我輩喜同舟挹度淵襟暢
論交臭味投正言多士憚遠識古人侔教養惟敦本楷模尙黜浮
學期崇以實惡務去其尤到處春風暢隨時化雨周酒懷餘跌宕
理窟儘風流雅負經師望偏工濟世謀鞭曾先祖述書直上荊州
道義欽同列褒嘉愜上游萍逢欣聚首瓜代溯從頭鴻爪三年印

驪歌一曲留歸裝盈贈句講席誌前修慰矣慈烏哺飄然野鶴傳
奠醴吾久憶待泛五湖秋

題劉仲湘廣文負米圖

儒生食祿輕千鍾飛而食肉方英雄將軍善射非無功數竒不得
膺侯封先生本是人中龍卓犖吐氣如長虹顯揚有志勵厥躬慈
烏返哺至性充讀書萬卷神能通蔚然名譽騰鬢宮青雲有路殊
濛濛秋風屢鍛鴻毛豐逆氛肆擾王師攻班生投筆欣從戎運籌
帷幄收殊庸功成不錄徒書空急謀祿養何所從頻年首藉堆盤
中昔賢負米彌從容斗升之祿將毋同抗心前哲希高蹤繪圖且
愛吾廬稿

卷之四

次園詩存

七

自煩良工北堂歡笑配顏紅天倫之樂其融融

史藝臣少尹以宦游吟草郵寄乞序并題一律於後

一編珠玉快揮毫下筆吟成入唱高梅尉仙才耽吏隱劉郎薄宦
重詩豪水萍偶聚歡場促雲樹相違夢境勞笑我風塵徒碌碌年
來情思更牢騷

何年道故更班荆鷺埃迢迢隔幾程逃聽平安來竹報

令弟子俊
在家大

人幕定知哦詠託松聲靈護幃幄輝彌永春草池塘夢亦清道遠

不遺勞索序祇慙無以報瓊英

題史子俊伴游草

得句頻頻入錦囊一編且喜重琳瑯琴書伴影襟期暢珠玉隨風
咳唾香詩筆縱橫劉夢得酒懷跌宕賀知章勸君漫薄雕蟲技黼
黻昇平重廟堂

弟兄姊妹各天涯其擅清才最足誇異日都爲花萼集此時同燦
管城霞蘭陔孝養詩言志蓮幕名流筆吐葩但得揚眉資尺地他
時珍重好籠紗

愛吾廬稿

卷之四

次園詩存

八

次園詩存卷五

宜興蔣彬若次園氏著

明鏡詞

皎皎明鏡光照見妾顏色妾年十五時對鏡自修飾豔絕傾城姿
深閨誰省識貌美不足誇姆訓爛內則標梅倏愆期守身冰玉潔
皇家徵選時遣使紛四出縣官促登車妾亦與其列物色賴使臣
使臣虛奉職目豈五色迷妍媸未能別妾如王昭君黃金偏愛惜
無端遭棄捐不得朝金闕年華倏焉逝伊匪朝與夕妾貌日以衰
自顧非疇昔羞攬明鏡輝願終守令德

愛吾廬稿

卷之五 次園詩存

秋興八首次杜韻

歲歲驚秋向晚林玉堂幾見寶書森雲連廣廈成虛願月滿中天
悵翳陰兩鬢新霜增客感一杯濁酒減雄心年來誰復寒衣寄怕
聽前邨響遠砧

碧天星斗影橫斜千里鄉心望月華金闕何年簪健筆銀河無路
問靈槎關情雲樹稀今兩回首滄桑泣暮笳閒坐挑燈不成寐獨
憐瘦影對黃花

空庭皓月射清暉百感蒼涼酒力微驥老何曾忘壯往鳳雛畢竟
盼雄飛寒凌玉宇三秋迴遠隔金門萬里違且悔頻年常作客故

鄉鱸膾正鮮肥

世事紛更幾局碁祇今回首轉生悲曾經浩劫艱危日備歷人情
冷淡時意氣尙凌千輩出聲名敢盼九州馳愁懷難向西風訴大
地茫茫渺所思

殘破東南半壁山烽煙掃盡廿年間鯨魚跋浪翻成市魍魅聞風
競叩關四海梯航都踣踵萬邦琛賫不違顏懷柔震疊鴻規遠屬
國行人爵祿班

樓蘭未斬大刀頭頻擾邊防萬里秋壯士揮戈懷義憤佛郎飛燄
動征愁已看列陣森鵝鶴旋見平波散鷺鷥在德不須勤遠略金

愛吾廬稿

卷之五 次圖詩存

二

湯白是鞏 皇州

漫疑造化竟無功鼓盪仍歸橐籥中遠塞征鴻游子淚高臺戲馬
大王風百年人感華顛白萬丈光迴落照紅世事紛紛看不盡願
尋黃石采芝翁

故鄉東望路透池負郭田荒積翠陂未許新鶯遷 上苑願同越
鳥戀南枝疏慵宜與功名迂混濁難隨世俗移悵望千秋一回首
幾人竹帛姓名垂

游寶雲寺

偶向禪關叩尋幽曲徑行山花自開落野衲少逢迎院靜聞碁響

林空答磬聲餘甘回舌本佳茗淪泉清

訪許氏園遇雨輒回至半途夕陽又在山矣

偶訪林泉勝何期興盡歸斷虹隨雨散高鳥逐雲飛樹色青連屋
嵐光綠上衣一鞭行得得相送又斜暉

史藝臣以臨江郡齋並頭蓮盛開詠八律索和賦此卽寄

太守風流早放衙納涼時節賞竒葩銀塘乍降神仙耦水國新開
姊妹花香臉同勻研粉露醅顏其醉暈丹霞分明一樣亭亭影連
理枝頭認莫差

顧影雙雙一色齊漫愁飄泊各東西花房盪露顏同渥玉招迎風

愛吾廬稿

卷之五 大園詩存

三

首並低池上水清誰共妒江南曲苦莫相提試看冉冉紅裳倚醉
眼頻揩夜月迷

不教孤影惜伶仃任汝相親尙德馨幾處青萍同聚首一般紅粉
共忘形分飛莫便飄茵溷避面何須效尹邢寄語人間佳耦道白
頭期與永芳齡

初日瞳瞳色更鮮紅情綠意自相憐絲牽荇帶同心縮鏡照菱花
兩面圓一水尋盟期共老六郎比貌競爭妍記曾洛浦雙珠贈應
是前身解佩仙

不須玉樹惜交枝傾國傾城絕世姿蝴蝶化身同夢好鴛鴦交頸

兩情癡兼葭倚處殷洄溯魚水諧時肯別離未解閒愁小兒女那知采采寄相思

誰向芳叢浪作媒雙棲應共笑顏開藕絲抽似同功繭筩柄傾疑合盃杯雲雨相逢神女夢英皇並化水仙來笑他桃李徒爭豔漫鬪新妝玉鏡臺

汙泥不染種靈根頰暈紅潮面面痕綠水參差同鑑影紅妝偎倚最銷魂願偕西子湖邊住應笑姮娥月裏奔牛女可憐勞望眼銀河天上隔黃昏

仙女聯翩下碧霄閒看翡翠戲蘭苕華清出浴窺雙豔太液凌波

愛吾廬稿

卷之五

次園詩存

四

想二喬便爾忘情應意會不須解語共魂銷記當弄玉攜簫史同上瑤臺手並招

遣懷

塵擾餘清暇吟窗卻睡魔句從閒裏得病是客中多識字皆身累憂時乏手柯凌雲逢狗監何似老巖阿

張子衡廉訪以鐵瓶詩鈔見贈展讀賦此

吾愛張平子才高不可量半生事戎馬四海老奚囊軒冕情彌淡

林泉願未償鹽梅資大用借箸重江鄉

時總江
西廳務

武庫羅罽滿閒居好論文將才推萬福筆陣掃千軍游覽奇偏嗜

艱危任不紛鬱孤移節後闌嶠望卿雲

先分巡贛南繼陳臬
閩嶠皆以廉退乞休

游仙詞

朝罷身騎赤鳳凰
銖衣新惹九天香
呼童驚起驪龍睡
滄海珠生日月光

手把芙蓉御碧空
羣真齊迓白雲中
瑤池宴罷渾無事
閒看麻姑米擲紅

瓊宮小別幾年華
一局山中歲月賒
贏得玉塵三百斛
盡飄閩苑作琪花

捫星歷斗影森森
手摘榆錢贖酒星
醉踏蓬萊峰頂月
一杯還欲愛吾廬稿

卷之五

次園詩存

五

吸滄溟

陳君崧雲以湖山春靄帳額屬題成四截句

梅花帳上水雲鋪
點綴輕綃淡欲無
山色湖光兩清絕
不妨長作卧遊圖

故鄉亦有湖山歸
夢時時自往還
著箇吟身圖畫裏
小橋人影共閒閒

布帆迢遞去雙雙
欸乃聲來短短艘
正是先生清睡穩
檣枝搖夢過春江

成句

繞屋扶疏幾樹籠
桃源有路可相通
曉來一覺清涼夢
都在湖山

春靄中

小除夕得伯兄高郵書并示近作復得三弟鳳凰書感賦

江樹淮雲各一天新詩忽共尺書傳音容久繫迴腸念骨肉偏疏
聚首緣薄宦正當年半百思親遙隔路三千趨庭幾度行還止悵
望頻頻眼欲穿

去去流光等逝波回頭細憶恨蹉跎年直視青雲易此日相看
白髮多射虎空聞森列帳化龍終盼躍飛梭近來詩思清于水春
草池塘夢若何

南望湘雲一雁來阿連遠宦早心灰十年折獄推神斷兩邑臨民

愛吾廬稿

卷之五

次園詩存

六

顯洽才

前攝桂陽令現官鳳凰廳守頗有政聲

庭訓勉成循吏日廉聲反吃上官雷

敢希傳說爲霖久願乞閒身解組回

弟興善政八苗民比之傅公
兼就公祠同龕設位尸祝之

椿庭撫字太勞心況復年高體不禁祇合林泉嘗蔗境卻聞道路
愛棠陰沈吟宦轍歌魚鉞檢點歸裝贖鶴琴訓受義方慙抑塞不
才何日繼官箴

和小棠京兆卽事並次元韻

哀鴻百萬命全蘇畿甸蒼生莫向隅京兆苦心關國計都官肆口
便私圖不磷終是無瑕玉投暗依然照乘珠 天聽固應民聽洽
共知清節勵冰壺

陳君崧雲以大竹筆筩索題作歌應之

脩竹脩竹堅多節四時不改柯與葉千竿萬竿清風生鳳凰來儀
休徵協吾家三徑足徜徉渭川千畝尤青蒼古人以之比君子虛
心勁節凌冰霜憶昔尙象器始制削簡漆書蝌蚪字諧音簫管聲
嗶嗶清廟明堂左右置又見朝庭遣使臣虎節龍節剖符契秩秩
斯千徵茂苞黃岡作樓瓦鱗次柯亭一椽雅負奇聆音如訴焦桐
意武夫射鵠箭有筠兒童騎馬劇堪戲取材不吝用不窮更與文
人日從事將軍射殺中山兔中書君封十萬戶戶戶花封列管城
管城乃有郭外附中書苗裔聚族居家家伐竹修其廬修廬既竟
愛吾廬稿

卷之五

次園詩存

七

我歌作作歌還命中書書

子夜歌

郎似玉連環妾如金雀花雀亦多情烏銜環到君家
花好不常開歡好不常聚願與花同嬌願共歡同住
憐歡經歲別曲盡九迴腸不說腰肢瘦但言羅帶長
織得鴛鴦錦殷勤寄與歡比似迴文字應憐蘇若蘭
製扇裁齊紈秋風易吹散何如縫枕函長與歡相伴
夜夜燈花開暗卜行人至誰知鴻雁來空寄相思字
昨夜東風來春色梅梢透春已到梅梢儂卻雙眉皺

裙帶解有因與歡重聚首不訴別離情只問重行否
鏡光鑑妾貌妾貌如花枝只恐漸衰老郎心隨鏡移
拜月下庭階一步一回顧顧影自生憐姁娥好相覷
比翼天邊鳥同心鏡裏人同心勝比翼相愛自相親
庭前合歡樹灼灼開盈枝花開知時節郎心知不知
春風吹羅幃微裊銀鉤響鶯卻好夢回不語低頭想
燕子巢畫梁呢喃相對語鳥尙得雙棲儂今偏獨處
春蠶方吐絲吐絲長不絕絲長可奈何綰作同心結
纖手拂蠶箋戲寫鴛鴦字郎卻譽簪花可解儂情意

愛吾廬稿

卷之五

次園詩存

八

楊柳舞春風舞作小垂手憐儂好腰肢道似青青柳
曉起理晨妝春寒透重幕憐歡貪早眠卻恐錦衾薄
郎如蓮花好妾比蓮根清花與根連理郎應同此情
人生祇百年行樂一尊酒不惜青春過但願白頭守

曉起偶成

曉窗睡起日三竿負手行吟繞畫欄偶爲芳辰添逸興每因薄病
怯春寒韶光暗度更新易詩律精研人細難聞道長安花似錦幾
時走馬快爭看

春日漫興

歲月蹉跎負卻春年來珍重惜芳辰讀書悔已遲今日得句疑先
出古人不信文章憎命達還期運會逐時新祖鞭努力須爭著莫
減雄心老此身

禽言四首

提壺盧提壺盧杖頭有錢君且沽農夫種秫沾泥塗背曝烈日炎
灼膚枯槲踏盡田禾枯釀秫不足輸官租吁嗟血汗勞農夫博君
一醉胡爲乎提壺盧且莫呼

壓油壓油隴畔呼儂苦逢歲歉百室生愁東鄰典宅西鄰賣牛糠
覈不飽腸枯淚流吁嗟壓油於汝何求民脂已竭枯瘠盈溝汝油
愛吾廬稿

卷之五 次園詩存

九

幾何潤澤難周改汝呼聲禾黍油油

泥滑滑泥不滑時田如石犁重壓牛牛背塌春雨如油泥滑滑干
畝農夫齊舉鍤四月南風麥有秋泥不滑時秧不發雨打黃梅泥
滑滑水滿平疇禾盡插赤日當空夏景炎泥不滑時田龜坼大雨
時行泥滑滑淳然苗興澤上尺秋風吹雨泥滑滑泥不滑時苗槁
殺一雨成秋泥滑滑家家黃雲滿肩壓紛紛瑞雪兆豐年泥不滑
時絕土脈雪水融和泥滑滑來年大有人心愜

行不得也哥哥哥哥欲行聽我歌世間人情類險巇往往平地生
風波古人忠信可以涉波濤今人禮義不免遭譏訶豺狼當大道

嘯聚狐狸多鳳凰巢阿閣睥睨鴟鵂過嗚呼世路殊坎軻天荆地
棘可奈何行不得也哥哥

愛吾廬稿

卷之五

次園詩存

十

